


濟陽縣志



濟陽縣聖纂誌書引



身古書有乘槁杙春秋以稽天
時人事唯誌書記勝天文觀分
野地理審形勢建置天巧人工
貢賦急公好義禮樂報德崇功
職官辯賢別否選舉以徵文才

人物以表賢德執文金石垂遠
雜志祈禳修德數者備矣可以
言誌濟治創自大金天會濟誌
纂自大明萬曆前無治無誌不
須言前有治無誌以昔之君子
有志而未逮嗣余鄉侯公任令

始成書收堪爲文獻閱今四十
禩時異勢殊勝跡猶存修墜觀
改余于丁亥仲夏任事覽宿誌
急欲纂組無柰萑苻竊發供億
浩繁不遂所願心實缺然今歷
任三載所行數事里甲均矣城

池修矣鄉約行文文社建矣約
兵練矣刑訟省矣唯誌書未纂
而有隱憾實以累歲布縷粟米
力役民無安止織無暇晷猶賴
濟民尚義將三年正供竭力辦
納濟紳最賢愛余若骨肉濟民


最良助余若患難夫復何幸耳
三載將滿終感誌不可不修
請商諸先達邢艾萬王諸先生
咸稱美事而邢先生耄德碩望
經歷最迢今日文獻也以駁前
舛續後缺授余余欣受之唯錢

糧一年一核曆難以一定別咸
不更易竊以槩修則工費艱難
約畧則次序舛錯值茲小大行
軸其空之日凡物工置嘗十倍
而與奢寧儉以觀厥成止求續
乘不沒芳懿爲小補而未全修

以俟嗣來賢者

順治己丑無射上慈日晉人濟
令解元才書千齋邊


縣城圖




縣志圖

齊陽縣志

圖





濟陽縣志目錄

卷之一

天文志

星野

卷之二

地理志

沿革

疆域

形勝

山川

鄉鎮

古蹟

丘隴

物產

卷之三

濟陽縣志

八目錄

建置志

城池

公署

學校

倉儲

社學

義學

郵舖

坊牌

橋梁

卷之四

貢賦志

戶口

田賦

徭役

馬政

鹽鈔

兵餉

官牛

學田

課程

國稅

鹽斤

班匠

卷之五

禮樂志

公儀

祠祀

鄉飲

風俗

卷之六

職官志

額置

縣官

學官

名宦

卷之七

選舉志

濟陽縣志

八目錄

科甲

徵薦

恩選

歲貢

例貢

封贈

恩廕

武職

武舉

儒官

壽官

掾職

卷之八

人物志

鄉賢

孝行

忠勇

貞烈

義士

濟陽縣志卷之一

天文志

志曰茫茫者天其可測耶宣夜周髀吾為知其是耶而烏知其非耶有平子之推筭而後渾天具有一行之曆法而後鈇儀行有激水轉輪之智而後躔度晰藐余嘗窺之見又何知柳書有之天聰明自我民聰明天明畏自我民明威達于上下敬哉有土奉斯訓也森羅之迹象存而不論可乎

星野

攷之玄枵為齊分野玄枵危也又云濟南入危一度濟邑隸濟南郡最號密邇其為危無疑唐僧一行謂星之于土以精氣相屬而不係于方隅占測以山河為限而不主于州國念用庶徵于何準焉太史公曰太上修德其次修政其次修禳師尹惟日若之何玩愒而漫言委蛇也

濟陽縣志卷之二

地里志

志曰天下幅幘約之如匹錦錦積絲而成者也濟邑即彈丸地經之緯之儻所謂絲乎第所急在製錦手耳

沿革

按通志濟陽古青州之地春秋戰國屬齊而漢屬東郡臨邑縣晉為濟北國唐隸齊州濟南郡宋因之高宗南渡其地陷于金金天會

七年割章丘標竿鎮及臨邑之地建濟陽縣以濟水遠其南故曰濟陽即春秋時濼水也明洪武元年升濟南為府而濟陽屬之自建縣至萬曆三十七年共肆百六十四年

疆域

縣在濟南府北七十里廣一百四十里袤六十五里共二百五里

東至齊東縣界八十里南至歷城縣界二十五里西至齊河縣界八十里北至高河縣界

四十里

東至齊東縣治九十里南至歷城縣治九十里西至禹城縣治一百二十里北至商河縣治九十里

東南至章丘縣七十里西南至齊河縣一百三十里西北至臨邑縣九十里東北至武定州一百四十里

北至順天府一千里南至江寧府一千五百里

按邑為濟青之襟喉登萊之要衝紆車約騎過者無停晷供傳之煩倍于它縣且邑距禹城鄒平各一百二十里距武定一百四十里道路既遙夫馬疲于命而馬尤甚每至炎暑祁寒僵斃相屬目山相賠累之民獨有灑泣而已

形勝

舊志曰濟水近而紆于前土河遠而控于後四無山崖曠然平地草木陰森居民繁劇此

清陽之形勝也

按濟陽高城古岸綠水迴環登高而望前山
矗矗蒼翠交浮近在眉睫間蓋環邑之勝皆
可收為一邑之勝也境內有古蹟竒觀因操
為八景曰濟水澄波曰韶臺遠眺曰古柏蒼
煙曰奎樓夕照曰蘓橋曙色曰祠堂夜月曰
禪塔晚燈曰靈泉黑霧俱有題咏載藝文志

山川

舊志云濟南山脉自泰山迤西發龍東行至

濟南城東南諸山數百里至青州蒙陰一帶東
行隱顯不一直至東海而盡故濟陽以北獨
無山

大清河即清濟河俗以其水清因名又以華
山新開小清河因名大清河在縣南門外其
源自河南濟源縣歷東阿長清歷城至此東
經齊東至蒲臺利津入於海

按河東抵于海有魚鹽之利濱河諸邑移粟
可以濟荒

土河在縣西北三十里其水西自禹城東至陽武也水長則浩漫無際或曰夾馬河即古枯河在縣東二十五里舊本清河灣曲之處元以漕運嫌其水曲故徑開之舟行得便其水皆入新河故有枯河之名

鄉鎮 舊十三鎮今增二鎮

仁風鎮在城東北六十里
鄆家渡鎮在城東北四十里
孫耿鎮在城西南四十里

回河鎮在城西南二十里
吳家寨鎮在城南十五里
新市鎮在城西六十里
杜家水口鎮在城西北三十里
夏口鎮在城西六十里
小郎務鎮在城西三十里
曲堤鎮在城東北三十里
商家橋鎮在城北三十里
葛家店鎮在城東北十八里

白橋鎮在城北六十里

宰家店鎮在城東北五十里

桑家渡鎮在城東六十里

古蹟

郭城在縣西二十五里古郭國春秋魯襄公取郭即此

新市城在縣西六十里洪武元年省縣為鎮仁風鎮城在縣東北六十里洪武元年設巡檢司八年裁革

聞韶臺在縣東北三十里世傳孔子在齊聞韶處元建大成殿有肅政廉訪使王士熙記明萬曆二十一年武德道副使尹應元重修復建萬世宗師坊又對一聯云玉振金聲三月獨含千古味鳳儀獸舞兩階猶動四方風此臺當為東省第一勝知音者稀忘味伊誰每一眺臨孑然清賞

蘓武斷糧橋在縣西六十里

黃山谷碑在縣東北曲堤鎮年深破碎

趙子昂碑在儒學
萬應下碑書脩廟學記

捐像斯碑在城西十二里

曲堤塔高數百尺在城北三十里

丘隴

平陵塚在城西三十里

王皇塚在城西三十里上有廟

七女墳在城西南五里

楊弘農郡伯墓在城西北十五里

楊文安公墓在城西北十五里

張憲肅侯墓在城東北三十里

張摠管墓在城東十里

張侍郎墓在城東十里

賈方伯墓在城西二里

張侍御墓在城西四十里

黃郡丞贈都御史墓在城西南一里

邢觀察使墓在城南三里

黃中丞墓在濟南城
南十五里奎山

郭主政墓在城西四里